

**"Кемелер мен оларға құқықтарды мемлекеттік тіркеу ережесін бекіту туралы"
Қазақстан Республикасы Үкіметінің 2003 жылғы 17 қаңтардағы № 49 қаулысына
өзгерістер мен толықтырулар енгізу туралы**

Күшін жойған

Қазақстан Республикасы Үкіметінің 2013 жылғы 4 желтоқсандағы № 1314 қаулысы. Күші жойылды - Қазақстан Республикасы Үкіметінің 2015 жылғы 10 тамыздағы № 622 қаулысымен

Ескерту. Күші жойылды - ҚР Үкіметінің 10.08.2015 № 622 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасының Үкіметі **ҚАУЛЫ ЕТЕДІ:**

1. «Кемелер мен оларға құқықтарды мемлекеттік тіркеу ережесін бекіту туралы» Қазақстан Республикасы Үкіметінің 2003 жылғы 17 қаңтардағы № 49 қаулысына (Қазақстан Республикасының ПҰАЖ-ы, 2003 ж., № 1, 17-құжат) мынадай өзгерістер мен толықтырулар енгізілсін:

көрсетілген қаулымен бекітілген Кемелер мен оларға құқықтарды мемлекеттік тіркеу қағидаларында:

5-тармақ мынадай редакцияда жазылсын:

«5. Теңіз кемелерінің мемлекеттік кеме тізілімінде (бұдан әрі – Мемлекеттік кеме тізілімі), Қазақстан Республикасының халықаралық кеме тізілімінде (бұдан әрі – халықаралық кеме тізілімі), бербоут-чартер тізілімінде және жасалып жатқан кемелер тізілімінде кемелер мен оларға құқықтарды мемлекеттік тіркеуді Порттың теңіз әкімшілігі жүзеге асырады.

Мемлекеттік кеме тізілімін, халықаралық кеме тізілімін, бербоут-чартер тізілімін және жасалып жатқан кемелер тізілімін жүргізуді Порттың теңіз әкімшілігі қағаз және электрондық жеткізгіштерде жүзеге асырады.

Мемлекеттік кеме тізілімін, халықаралық кеме тізілімін, бербоут-чартер тізілімін және жасалып жатқан кемелер тізілімін жүргізу тәртібін Қазақстан Республикасының Теңіз әкімшілігі (бұдан әрі – уәкілетті орган) белгілейді.»;

7 - т а р м а қ т а :

1) тармақша мынадай редакцияда жазылсын:

«1) осы Қағидаларға сәйкес кемелерді және оларға құқықтарды мемлекеттік тіркеу үшін қажетті құжаттарды қабылдау. Ұсынылатын құжаттар осы Қағидалардың талаптарына сәйкес келмеген кезде үш жұмыс күні ішінде оған құжаттарды қабылдаудан дәлелді жазбаша бас тартуды бере отырып, өтініш

берушіге құжаттар қабылдаудан бас тартылады;»;

3) тармақша мынадай редакцияда жазылсын:

«3) көрсетілген қайшылықтар мен мемлекеттік тіркеуден бас тарту үшін басқа негіздер болмаған кезде Мемлекеттік кеме тізіліміне, халықаралық кеме тізіліміне, бербоут-чартер тізіліміне, жасалып жатқан кемелер тізіліміне жазулар е н г і з у ; » ;

19-тармақтың екінші бөлімі мынадай редакцияда жазылсын:

«Осы Қағидалардың 18-тармағында көрсетілген құжаттарды алған кезде Қазақстан Республикасының шетелдердегі мекемесінің консулдық лауазымды тұлғасы құжаттарды есепке алу кітабына тиісті жазба енгізеді. Уақытша куәлік берілгені туралы әрбір жазба тіркеу нөмірімен сәйкестендіріледі. Мұндай нөмір құжаттарды қабылдаған кезде беріледі және қабылдаған құжаттардың кіріс нөміріне сәйкес келеді. Ұсынылған құжаттарды тексергеннен кейін Қазақстан Республикасының шетелдердегі мекемесі уақытша куәлік береді. Берілген уақытша куәлік туралы Қазақстан Республикасының шетелдердегі мекемесі он жұмыс күні ішінде уәкілетті органға уақытша куәліктің көшірмесін қоса бере отырып, х а б а р л а м а ж і б е р е д і . » ;

мынадай мазмұндағы 2-1-бөліммен толықтырылсын:

«2-1. Кемелер мен оларға құқықтарды Қазақстан Республикасының халықаралық кеме тізілімінде мемлекеттік тіркеу

21-1. Кемеге меншік құқығы және өзге де заттық құқықтар (бербоут-чартер бойынша жалдап алынған кемеге осы құқықтарды қоспағанда), осы құқықтарды шектеулер (ауыртпалықтар), олардың туындауы, ауысуы және тоқтатылуы Қазақстан Республикасының халықаралық кеме тізілімінде тіркелуге жатады.

Меншік құқығына және өзге де заттық құқықтарға қатысты шектеулер (ауыртпалықтар) белгіленген кеме мен Қазақстан Республикасының халықаралық кеме тізілімінде тіркеу және мұндай кеме аталған тізілімнен шығару пайдасына тиісті шектеу (ауыртпалық) белгіленген адамның жазбаша нысандағы келісімімен жүзеге асырылады.

21-2. Кемелер шет мемлекеттердің кеме тізілімдерінде тіркелген және халықаралық кеме тізілімінде тіркеу туралы өтініш берілген күні олардың шығарылған жылдары жиырма жылдан асқан болса, олар халықаралық кеме тізілімінде тіркеуге жатпайды.

21-3. Кеме мен Қазақстан Республикасының халықаралық кеме тізілімінде тіркеу кезінде кеме иесі (кеме иеленушісі) немесе олар уәкілеттік берген адамдар мынадай құжаттарды ұсынады:

1) еркін нысанда өтініш;

2) осы Қағидаларға 1-қосымшаға сәйкес кеме тізілімінің сауалнамасы;

3) өлшеу куәлігі;

4) с ы н ы п т а у к у ә л і г і ;

5) теңіз кемесін мемлекеттік тіркегені үшін алым сомасының бюджетке төленгенін растайтын құжат.

Сондай-ақ меншік құқығындағы кемеңі тіркеу үшін:

1) кемеге меншік құқығын растайтын құжат;

2) жүзуге жарамдылығы туралы куәлік (қолданылатын болса);

3) жолаушылар куәлігі (жолаушылар кемесі үшін);

4) осы мемлекеттің туын ауыстырғанға дейін тікелей тіркелген тізілімнен шет мемлекеттің кемесінің алынып тасталғанын және ипотека ауыртпалығы жоқтығын куәландыратын құжат;

5) меншік иесінің аты мен мекенжайын куәландыратын құжаттар ұсынылады.

Мемлекеттік кеме тізілімінде кемеңің тіркелуі әлі жарамды болған жағдайда, осы Қағидаларға 2 және 3-қосымшаларға сәйкес теңіз кемесінің Қазақстан Республикасының Мемлекеттік туын көтеріп жүзу құқығы туралы және кемеге меншік құқығы туралы куәліктерінің тек көшірмелері ғана ұсынылады.

Сондай-ақ бербоут-чартер бойынша пайдалануға ұсынылған кемеңің тіркеу үшін :

1) кеме жалдаушының аты мен мекенжайын растайтын құжаттар;

2) бербоут-чартер шарты;

3) шет мемлекеттің құзыретті билік орындары берген, онда кеме тікелей ту ауыстырылғанға дейін тіркелген, осындай мемлекеттің туын көтеріп жүзу құқығы тоқтатыла тұрғанын немесе бұл құқық Қазақстан Республикасының бербоут-чартерлік тізілімінде кеме мемлекеттік тіркелген сәтінен бастап тоқтатыла тұрған кемеңің Қазақстан Республикасының туын көтеріп жүзуге уақытша ауыстыруға келісу туралы, сондай-ақ кемеге ипотека ауыртпалығы салынғаны туралы мәліметтерді қамтитын құжаттар;

4) кемеңің Қазақстан Республикасының Мемлекеттік туын көтеріп жүзуге ауыстыруға меншік иесі және кемеңің тіркелген ауыртпалығына кепіл ұстаушының жазбаша рұқсаты;

5) кеме Солтүстік Каспий жобасын іске асыру үшін жалға алынғанын растайтын Солтүстік Каспий жобасы жөніндегі оператордан хат (осы Қағидалардың 22-тармағының 2) тармақшасында көрсетілген тұлғалар жалға алған кемелер үшін) ұсынылады.

Бербоут-чартер тізілімінде кемеңің тіркелуі жарамды болған жағдайда осы Қағидаларға 5-қосымшаға сәйкес бербоут-чартер шарттарында жалға алынған шетелдік теңіз кемесіне Қазақстан Республикасының Мемлекеттік туын көтеріп жүзу құқығын уақытша беру туралы куәліктің көшірмесі ғана ұсынылады.

21-4. Бербоут-чартер бойынша жалға алынған кемеңің халықаралық кеме тізілімінде тіркеу мерзімі осындай кемеге Қазақстан Республикасының

Мемлекеттік туын көтеріп жүзу құқығын уақытша беру мерзімінен аспайтын
б о л а д ы .

Қазақстан Республикасының Мемлекеттік туын көтеріп жүзу құқығын уақытша беру туралы шешімді уәкілетті орган осы Қағидалардың 24 және 25-тармақтарында көзделген тәртіппен қабылдайды.

21-5. Кемені Қазақстан Республикасының халықаралық кеме тізіліміне енгізу:

1) меншік құқығындағы кемеге – осы Қағидаларға 2 және 3-қосымшаларға сәйкес теңіз кемесінің Қазақстан Республикасының Мемлекеттік туын көтеріп жүзу құқығы туралы және кемеге меншік құқығы туралы куәліктер;

2) бербоут-чартер бойынша пайдалануға ұсынылған кемеге – осы Қағидаларға 5-қосымшаға сәйкес бербоут-чартер шарттарында жалға алынған шетелдік теңіз кемесіне Қазақстан Республикасының Мемлекеттік туын көтеріп жүзу құқығын уақытша беру туралы куәлік беру арқылы куәландырылады.»;

23-тармақ мынадай редакцияда жазылсын:

«23. Уәкілетті орган теңіз кемесіне Қазақстан Республикасының Мемлекеттік туын көтеріп жүзу құқығына уақытша рұқсат беру туралы шешім қабылдаған күннен бастап күнтізбелік отыз күн ішінде мұндай кеме бербоут-чартер тізіліміне т і р к е у г е ж а т а д ы . » ;

24-тармақтың бірінші абзацы мынадай редакцияда жазылсын:

«24. Қазақстан Республикасының Мемлекеттік туын көтеріп жүзу құқығын уақытша беру туралы шешім қабылдау үшін кеме иесі уәкілетті органға мынадай қ ұ ж а т т а р д ы б е р е д і : » ;

25-тармақтың бірінші абзацы және 3) тармақшасы мынадай редакцияда ж а з ы л с ы н :

«25. Уәкілетті органның құжаттарды қарауы он жұмыс күні ішінде жүзеге асырылады, қарау қорытындылары бойынша Қазақстан Республикасының Мемлекеттік туын көтеріп жүзу құқығын уақытша беру туралы рұқсат беріледі немесе мынадай жағдайларда : » ;

«3) бербоут-чартер тізілімінде тіркеу мерзімін ұзартуға жататын кемелерді, қазақстандық флоттың құрамында болмайтын мамандандырылған кемелерді, сондай-ақ реновация, жаңғырту және қайта жабдықтау рәсімінен өткен кемелерді қоспағанда, кеменің шығарылған уақыты 20 жылдан жоғары болған кезде бас т а р т ы л а д ы . » ;

27-тармақ мынадай мазмұндағы екінші бөлікпен толықтырылсын:

«Бербоут-чартер тізілімінде тіркелген шетел кемесіне Қазақстан Республикасының Мемлекеттік туын көтеріп жүзуге құқығын уақытша беру мерзімі өткен кезде, қазақстандық кеме жалдаушы немесе осы Қағидалардың 22-тармағының 2) тармақшасында көзделген адам жүзуге уақытша құқық беру мерзімі өткеннен кейін жеті жұмыс күні ішінде Порттың теңіз әкімшілігіне

Қазақстан Республикасының Мемлекеттік туын көтеріп жүзуге уақытша құқық беру туралы тиісті куәлікті қайтарады.»;

6-бөлімнің тақырыбы мынадай редакцияда жазылсын:

«6. Кемені Мемлекеттік кеме тізілімінен, халықаралық кеме тізілімінен, жасалып жатқан кемелер тізілімінен немесе бербоут-чартер тізілімінен шығару»;

мынадай мазмұндағы 38-1-тармақпен толықтырылсын:

« 3 8 - 1 . М ы н а :

1) опат болған немесе хабарсыз жоғалып кеткен;

2) конструкциялық жағынан күйреген;

3) қайта құру немесе кез келген басқа өзгерістер нәтижесінде кеме сапасын жоғалтқан ;

4) Заңның 11-бабының 3-1-тармағында көзделген талаптарға сәйкес келмей қалған ;

5) оған қатысты Қазақстан Республикасының Мемлекеттік туын көтеріп жүзіп жүруге құқығын уақытша беру туралы шешімді уәкілетті орган жоққа шығарған ;

6) оған қатысты Қазақстан Республикасының аумақтық сулары шегінде қызметті жүзеге асыру фактісі айқындалған жағдайларда кеме Халықаралық кеме тізілімінен шығарылады .» ;

40-тармақ мынадай редакцияда жазылсын:

«40. Кемені Мемлекеттік кеме тізілімінен, халықаралық кеме тізілімінен және бербоут-чартер тізілімінен шығаруды Порттың теңіз әкімшілігі кеме иесінің (кеме иеленушінің) немесе олар уәкілеттік берген адамдардың кемені мемлекеттік тіркеу кезінде берілген куәліктерді қоса бере отырып, еркін нысандағы өтініші негізінде жүргізеді .

Осы Қағидалардың 38-тармағының 1), 2), 3) тармақшаларында, 38-1-тармағының 1), 2), 3) тармақшаларында, 44-тармағының 1), 2), 3) тармақшаларында көрсетілген жағдайларда өтінішке онда жазылған фактілерді растайтын құжаттар да қоса беріледі.

Осы Қағидалардың 38-1-тармағының 5), 6) тармақшаларында және 44-тармағының 5) тармақшасында көрсетілген жағдайларда, кемені Халықаралық кеме тізілімінен және бербоут-чартер тізілімінен шығаруды кеме иесінің (кеме иеленушінің) мекенжайына жолданған уәкілетті органның тиісті хабарламасы негізінде Порттың теңіз әкімшілігі жүргізеді.»;

42-тармақ алынып тасталсын;

43, 44 және 45-тармақтар мынадай редакцияда жазылсын:

«43. Порттың теңіз әкімшілігі тиісті тізілімге шығару туралы жазу енгізеді және осы Қағидалардың 9-қосымшасына сәйкес кеменің Теңіз кемелерінің мемлекеттік кеме тізілімінен, Қазақстан Республикасының халықаралық кеме

тізілімінен немесе Қазақстан Республикасындағы жасалып жатқан кеме тізілімінен шығарылғаны туралы куәлікті кеме иесіне (кеме иеленушіге) немесе олар уәкілеттік берген адамдарға береді.

Кемені халықаралық кеме тізілімінен шығару туралы ақпарат Қазақстан Республикасы Қаржы министрлігінің Салық комитетіне және Кедендік бақылау комитетіне жолданады.

44. Бербоут-чартер тізілімінен:

- 1) опат болған немесе хабарсыз жоғалып кеткен;
- 2) конструкциялық жағынан күйреген;
- 3) қайта жасау немесе кез келген басқа да өзгерістер нәтижесінде кеме сапасын жоғалтқан;
- 4) осы Заңның 11-бабының 5-тармағында көзделген талаптарға сәйкес келмей қалған;

5) осы Қағидаларға сәйкес оған қатысты уәкілетті орган Қазақстан Республикасының Мемлекеттік туын көтеріп жүзу құқығын уақытша беру туралы шешімнің күшін жойған кеме шығарылуға жатады.

45. Мемлекеттік кеме тізілімінде тіркелген кемені бербоут-чартер бойынша шетелдік кеме жалдаушыға пайдалануға және иелік етуге ұсынған кезде осындай кеме уәкілетті органның шешімі негізінде шет мемлекеттің туын көтеріп жүзуге уақытша ауыстырылуы мүмкін.»;

46-тармақтың бірінші абзацы мынадай редакцияда жазылсын:

«46. Шет мемлекеттің туын көтеріп жүзуге уақытша ауыстыру туралы шешімді уәкілетті орган кеменің меншік иесінің немесе ол уәкілеттік берген адамның мынадай құжаттар қоса берілген өтініші негізінде қабылдайды:»;

51 және 52-тармақтар мынадай редакцияда жазылсын:

«51. Бербоут-чартер қолданысы тоқтатылған кезде немесе уәкілетті органның шешімінде көрсетілген мерзім өткен кезде Мемлекеттік кеме тізіліміне кеменің меншік иесінің өтініші негізінде тиісті жазу енгізіледі және осы Қағидаларда белгіленген тәртіппен теңіз кемесінің Қазақстан Республикасының Мемлекеттік туын көтеріп жүзу құқығы туралы жаңа кеме куәлігі беріледі.

52. Шағын көлемді кемелерді тіркеуді ішкі су жолдары бойынша жүзетін шағын көлемді кемелер үшін айқындалған тәртіппен ішкі су көлігі саласындағы уәкілетті органның аумақтық бөлімшесі кеме кітапшасында жүргізеді.»;

көрсетілген Қағидаларға 1-қосымшада:

2-тармақ мынадай редакцияда жазылсын:

«2. Алдыңғы тіркелген порты (орны) және оны жою күні (Мемлекеттік кеме тізілімі/Қазақстан Республикасының халықаралық кеме тізілімі үшін)/тоқтатып қою күні (бербоут-чартер тізілімі/Қазақстан Республикасының халықаралық кеме тізілімі үшін) (егер мұндай жағдай орын алса)»;

көрсетілген Қағидаларға 2-қосымшада:
бірінші және екінші абзацтар мынадай редакцияда жазылсын:
«20__ жылғы «__» _____ № _____ Қазақстан Республикасының
Теңіз кемелерінің мемлекеттік кеме тізіліміне/Қазақстан Республикасының
халықаралық кеме тізіліміне енгізілген деректердің негізінде
_____ кемеге

(кеменің атауы) (name of ship)

Қазақстан Республикасының Мемлекеттік туын көтеріп жүзуге рұқсат берілетіні
к у ә л а н д ы р ы л а д ы .

This is to certify that according to the data entered into the State Ship Register of
the Republic of Kazakhstan/ the international ship register of the Republic of
Kazakhstan, the ship has been authorized to sail under the state flag of the Republic of
K a z a k h s t a n . » ;

көрсетілген Қағидаларға 3-қосымшада:
бірінші және екінші абзацтар мынадай редакцияда жазылсын:
«20__ жылғы «__» _____ № _____ Қазақстан Республикасының
Теңіз кемелерінің мемлекеттік кеме тізіліміне/Қазақстан Республикасының
халықаралық кеме тізіліміне енгізілген деректердің негізінде
_____ кеме куәландырылады

(кеменің атауы) (name of ship)

This is to certify that according to the data entered into the State Ship Register of
the Republic of Kazakhstan/the international ship register of the Republic of
K a z a k h s t a n , the ship » ;

көрсетілген Қағидаларға 5-қосымшада:
бірінші және екінші абзацтар мынадай редакцияда жазылсын:
«20__ жылғы «__» _____ № _____ Қазақстан Республикасының
бербоут-чартер тізіліміне/Қазақстан Республикасының халықаралық кеме
тізіліміне енгізілген деректердің негізінде кемеге
_____ оны бербоут-чартер шартында жалдау

(кеменің атауы) (name of ship)

кезінде Қазақстан Республикасының Мемлекеттік туын көтеріп жүзуге рұқсат
берілгені куәландырылады: (from) 20__ жылдан «__» _____ (till) 20__
ж ы л ғ а «__» _____ д е й і н

This is to certify that according to the data entered into the Berbout-chartering
Register of the Republic of Kazakhstan/ the international ship register of the Republic
of Kazakhstan, the ship has been authorized to sail under the state flag of the Republic
of Kazakhstan for the period of Chartering it on the Verbout basis.»;

көрсетілген Қағидаларға 9-қосымшада:
тақырыбы мынадай редакцияда жазылсын:

«Кемелерінің мемлекеттік кеме тізілімінен, Қазақстан Республикасының халықаралық кеме тізілімінен немесе Қазақстан Республикасының жасалып жатқан кемелер тізілімінен шығару туралы куәлік

Свидетельство об исключении судна из Государственного судового реестра морских судов, международного судового реестра Республики Казахстан или реестра строящихся судов Республики Казахстан»;

10-тармақ мынадай редакцияда жазылсын:

«10. Меншік иесі/кеме иеленуші және оның мекенжайы _____

Собственник/судовладелец и его адрес _____

барлық тіркелген құқықтар мен ауыртпалықтар тоқтатыла отырып, Теңіз кемелерінің мемлекеттік кеме тізілімінен, халықаралық кеме тізілімінен немесе жасалып жатқан кемелер тізілімінен (керегінің астын сызу) шығарылғаны
р а с т а л а д ы .

исключено из Государственного судового реестра морских судов, международного судового реестра Республики Казахстан или реестра строящихся судов (нужное подчеркнуть) с прекращением всех зарегистрированных прав и обременений.».

2. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

Премьер-Министрі

*Қазақстан Республикасының
С. Ахметов*